

Joachim Stockmann

**Rector Academiae Rostochiensis, Joachimus Stockman, Philos. & Med. D.
Physices Professor. Ad exequias funebres quas ... filiolo Alberto Heinio,
Parentes moestissimi cupiunt paratas, Omnes omnium ordinum cives
Academicos ... invitat**

Rostochi[i]: Pedanus, 1633

<http://purl.uni-rostock.de/rosdok/ppn771248342>


Druck Freier  Zugang




Stockman, J.,
in A. Hein.

Rost. 1633.

17





RECTOR
Academiae Rostochiensis,
JOACHIMUS STOCKMAN,
Philos. & Med. D. Physices
Professor.

Ad exequias funebres,

quas

Scitissimo desideratissimoque filiolo

ALBERTO
HEINIO,

Parentes moestissimi cupiunt pa-
ratas,

Omnes omnium ordinum cives Aca-
demiae officiose & peramanter in-
vitat.



ROSTOCHI

Typis JOACHIMI PEDANI, Acad. Typ.
ANNO M, DC, XXXIII.



RECTOR
Academiae Rostochiensis,
JOACHIMUS STOCKMAN,
Philos. & Med. Doct. Physices.
Professor.



Itam in animæ &
corporis conjunctione consistere; Con-
junctiōnem illam ab in-
sito Naturali Calido,
tanquam necessaria
corporis conditione & intermedio
vinculo dependere, extra controver-
siam est. Hinc porro spacium illud vi-
tæ, quo, ex Nativi caloris in suum hu-
midum actione (quod non aliter quã
flamma oleum unde vivit paulatim ab-
sumit), notabiles in corpore existunt
muta-

mutationes, ætas dicitur, quæ dum per gradus quasi assurgit, modo majori, modo minori intercapedine se junctos, ab alijs aliter distinguitur. sunt, qui tres potissimas ætates constituent, adolescentiam, juventutem, senectutem. Hippocrates annorum septimanis distinctas septem statuit ætates, ita ut primam septenarius simplex, alteram geminatus, tertiam triplicatus &c. determinet, his characteribus, 7. 14. 21. 28. 35. 42. 49. alij sicut anni circulum: Ita & Vitæ, in quatuor quadrantes dissecant, hac ratione, ut adolescentiam, sub qua Infantiam, pueritiam, pubertatem, & strictiore vocabuli significatione proprie dictam adolescentiam comprehendunt, ad vigesimum quintum & trigelimum annum, extendant, Et inde juventutem, sive florentem ætatem, ad trigesi-

mum sextum, & quadragesimum pro-
ferant, ubi, quia parum subsistere vide-
tur ætatis, quemadmodum in solsti-
tio anni motus, decem illos qui à qua-
dragesimo ad quinquagesimum inter-
cedunt consistentiæ tribuunt, reliquos
annos omnes, usq; ad extremū momē-
tum, ingravescenti & decrepitæ fene-
stræ communicantes. Quo tempore
jam obscuratur Sol & Lumen, &
Luna & Stellæ, & revertuntur nubes
post pluviam, & commoventur custo-
des domus, & nutant viri fortissimi, &
otiosi sunt molentes minuto numero,
& jam tenebescunt videntes per fo-
ramina, & claudunt ostia in platea, in
humilitate vocis molentis, & confur-
gunt ad vocem volucris, & obsurde-
scunt omnes filia carminis, ubi jam flo-
ret amygdalus, impinguatur locusta,
& dissipatur capparitis, ubi jam rumpi-
tur

tur funiculus argenteus, & recurrit
vitta aurea & conteritur rota super ci-
sternam. (Ecclesiastes cap. 12.) Cæte-
rum cum tantas secum ferant mole-
stias, formæ & virium detrimenta,
maturiores anni, & nulla sit ætas nul-
lus ætatis gradus, quin etiam suis, ijsq;
gravioribus sæpe obnoxius sit incom-
modis, & morbis, Quis non gratula-
bitur beatissimo nostro *Albertulo*, qui
ne gradatim singula emetiretur inter-
valla, nec, si non ubivis, saltem alicubi
impingeret, & communem mortali-
um fortem experiretur, tanquam sal-
tu elapsus, suum curriculum eo ipso
dum inchoavit, simul absolvit, & cum
in hujus mundi carcerem detrudere-
tur, ex ipso statim limine revocavit pe-
dem, & eò regredi maluit, ubi non au-
diuntur, quæ quotidianæ hic sunt quæ-
relæ, ah Domine in quæ nos reserva-

Iti tempora! O multa dictu gravia!
perpessu aspera! Quam bona mors
est homini præsentia quæ vitæ extin-
guit mala! ἡ βίη ἐστὶ βίη ἀλλὰ συμφορά. Sed
suavissimis aures demulcentur con-
juncta voce decantatis hymnis, suavif-
simis jubilis. Ubi juvenus senium,
decor pallorem, sanitas morbum &
vita nescit mortem. Quid igitur est
quod filiolum, quod vestrum *Albertulum*
eò transiisse tantò pere lugeatis mœ-
stissimi parentes! An ignoratis? Sed
qui tu hæc ignorare posses *Dn.D. Alberte*
Dn.collega & amice pl. honorande, vir
omnigena rerum scientia instructissi-
me? Lappas, carduos, sentes, & similis
generis Zizania diu perennare, & quã-
vis aëris inclementiam superare, nec
facile intermori, è contrario autem,
quo nobiliores sunt herbæ, & pul-
chriores, fragrantiores, pretiosiores
flores,

flores, tanto citius flaccescere, concide-
dere, & extingui, Quin etiam referunt
Naturæ scrutatores; Ephemera herbæ
eundem esse primum & ultimum, na-
talem & emortualem diem. Jam vero
hominum quis nescit similem esse cū
floribus & herbis conditionem, eoq;
nomine Pyrrhonem Eleensem, Natu-
ralium rerum ortus & interitus inda-
gantem hortos & sylvas obambulare
solutum & nobilem illum Homeri ver-
sum ruminante ore sæpius revoluisse,

ὁ ἡπτερ Φύλλων γενεή βίηδ' καὶ ἀνθρώπων.

*Tale quidem genus est hominum, quale est fo-
liorum.*

Sed quid ego noctuam Athenas? Ad vos me conver-
to cives Academici, Dn. Professores, Doctores, Magi-
stri, verbi divini ministri, Nobilissimi & doctissimi Stu-
diosi, peramanter omnes & singulos invitans, ut ad
præsentis funeris deductionem frequentissimi conve-
nire velitis, in solatium, in honorem & observantiam,
Mæstissimorum Parentum, Patris, Consultissimi & Cla-
rissimi Viri, Dn. *Alberti Heinij*, J. U. D. & historiarum
professoris eximij, Matris, *Catharinæ Pauli*, feminae
matronalium virtutum splendore eminentissimæ.

Avi

Avi Paterni Dn. *Alberti Heinij* J. U. D. Antecessoris
& Facultatis Juridicæ Senioris, viri celeberrimi, Dn.,
Collegæ, fautoris & amici nostri pl. colēdi. *Avi Materni*
Dn. *Simonis Pauli*, Viri dum viveret spectatissimi, trium
Principum Megapolitanorum, Divi Uldarici, Divi Ca-
roli & Ducis Adolphi Friderici, Domini nostri clemen-
tissimi, per totos triginta tres annos Archivarij & Secre-
tarij fidelissimi. *Avia* item *paterna Catharina Horst-
mans* b. m. & *Materna, Margareta Hagemeisters*, ma-
tronarum ab utraque parte, cum pietate, tum alijs, ijsq;
non vulgaribus virtutibus insigniter conspicuarum.
Porro proavorum etiam, Dn. *Friderici Heinij* Jure Con-
sulti, & Dn. *Simonis Pauli* Theologi hujus Academiae
non minus eximij, pie defunctorum laudes huc accer-
serem, & utriusq; familiæ in utramq; Remp. benemerita
prolixius recenserem, nisi omnibus vel in oculis
vel ore essent, & de vestro cives Academici om-
nium ordinum optimi, erga vestros Præcepto-
res, Fautores, amicos & collegas obsequio dubita-
rem. Aderunt igitur vestræ Excell. ad horam pri-
mam in templo Jacobæo, & præterquam quod Mor-
talitatis memoriam recolant, Ecclesiam DEO & u-
tramq; Remp. ferijs precib. commendabunt. P. P.
sub Sigillo Rectoratus VIII. Januarij ANNO
M. DC. XXXIII.



